



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კობალაძე იუსუფ ომერის ძე



ი. კობალაძე

კობალაძე იუსუფ ომერის ძე (25. V. 1906, სოფ. ხუცუბანი, ახლანდ. ქობულეთის მუნიციპალიტეტი, – 31. I. 1981, ბათუმი), თეატრისა და კინოს მსახიობი. საქართვე. სახ. არტიტი (1955). 1932-35 სწავლობდა რუსთაველის თეატრთან არსებულ სტუდიაში (ხელმძღვ. ს. ახმეტელი).

მონაწილეობდა ამავე თეატრის სპექტაკლებში. 1937- იდან იყო ბათუმის ი. ჭავჭავაძის სახ. დრამ. თეატრის მსახიობი. კ-ს განსახიერებული აქვს 100-ზე მეტი როლი: არსენა (ს. მანშიაშვილის „არსენა“); გელა (ა. წერეთლის „პატარა კახი“); ბახა (ვაჟა-ფშაველას „მოკვეთილი“); გიჟუა (ა. ცაგარლის „რაც გინახავს, ვეღარ ნახავ“); ოტელო (უ. შექსპირის „ოტელო“); ურიელი (კ. გუცკოვის „ურიელ აკოსტა“); გოჩა (ა. ყაბბეგის „ხევისბერი გოჩა“) და სხვ. მსახიობს განსაკუთრებული წარმატება ხვდა წილად ოდიპოსის (სოფოკლეს „ოდიპოს მეფე“) როლში; კ. გადაღებულია ფილმებში: „ბაში-აჩუკი“ (ჩოლოყაშვილი; რეჟ. ლ. ესაკია, 1965); „ორი ოჯახი“ (ვახტანგ ყიფიანი; რეჟ. დ. კანდელაკი, 1958); „მანანა“ (ადმირალი; რეჟ-ები ზ. გუდავაძე, შ. მარტიაშვილი, 1958) და სხვ. მსახიობი გამოირჩეოდა იშვიათი სცენური მომხიბვლელობით, ტემპერამენტითა და მდიდარი არტისტული მონაცემებით. დაჯილდოებულია ორდენებითა და მედლებით.



ი. კობალაძე ოდიპოსის როლში. სოფოკლეს "ოდიპოს მეფე"